

**Akileraaruserinermik ingerlatsineq pillugu Inatsisartut inatsisaata
allanngortinneqarneranut Inatsisartut inatsisissaatut siunnersuut**
(Aningaasaqarnermut Akileraartarnermullu Naalakkersuisoq)

Akissuteqaat

(Aningaasaqarnermut Akileraartarnermullu Naalakkersuisoq)

Aappassaaneerinnineq

Naalakkersuisut Aningaasaqarnermut Akileraartarnermullu Ataatsimiititaliap manna siunnersuummik peqqissaartumik suliarinninnera qujassutigaa.

Siunnersuummi § 1, nr. 1-imi akileraarutinik akitsuutinillu pisussaaffinnillu allanik oqilisaanneqarnissaannik akiliisinneqannginnissaannilluunniit siunnersuummi nunani tamalaani kattuffiit suut pineqarnerata erseqqinnerusumik paasinarsisinneqarnissaa isumaliutissiissummi ujartorneqarpoq.

Tassani ilaatigut nunat tamat akornanni kattuffiit, soorlu EU aamma FN pineqarput, tassani taakku Kalaallit Nunaanni allaffinnik il.il. pilersitsinissamik kissaateqarnerat apequtaatillugu. Nunat tamat akornanni ineriartorneq, nunanilu tamalaani Kalaallit Nunaannik soqutiginninnerup annertusiartornera, kattuffiit sorliit malittarisassanut ilaatinneqarnerannut sunniuteqarsinnaavoq. Taamaalilluni nunat tamat akornanni kattuffiit sorliit siunissami ilaatinneqartussatut eqqarsaatigineqarnerannik allattukkanik siumoortumik tunniussisoqarsinnaangilaq.

Siunnersuutip aappassaaneerneqarneranut Naalakkersuisut allannguutissatut siunnersuummik saqqummiussipput. Naalakkersuisut ataatsimiititaliaq isumaqatigiilluni allannguutissatut siunnersuummik tapersiinera nuannaarutigaa.

Taama oqaaseqarlunga siunnersuutip allannguutissatullu siunnersuutip akuerineqarnissaat inassutigaa.